

Der. VI. Titel des dritten Tractats

Von natürlichen erbschaften.



Wit testamēt vorhanden
oder die gemachten testamēt nichtig werent/so salt
das güt des abgestorbenen vff die natürliche gesipp
ten fründ/ so vom blüt einandern verwandt sind/
dieselben sind alsdā erben ob sy wöllen/ es ist aber
zwischen den genäten sippfründen dreyerley erben
stend. Namlich in abstigender linien/ Item in vffstigender linien/ Vnd
zum dritten in zwerch linien oder vff die syten wie hernach volgt.

By dem wort man/ sollen

ouch die wyber begriffen sin.

Vnd ee wir vff dise verflochten materi kommē/ wöllē wir gemeinlich
gelütert haben/ wā wir vatter/ eni/ vreni zc. nennen/ so sol daby mütter
anē/ vranē zc. verstandē werden/ vnd so wir Sün/ blüder/ vetter zc.
nennen/ so sollent daby döchter/ schwestern/ basen zc. begriffen sin/ vnd
so wir die abgestorben person by mansnamen meldē/ so wöllen wir ouch
inschließen die abgestorben wybspild/ Also das allweg by mans perso
nen/ das wyb ouch begriffen werd/ es wer dann das von yedem sonder
versehung beschehe.

Kind erben vatter vñ mütter.

Weliche kind/ so die allein vorhandē sind/ die erben ir vatter vnd müt
ter die nit testiert haben/ vor allemenglich/ dan die erst vnd fürnamest
sach in erbfällen ist das kind ir eltern erben/ vnd abt yedes kind für sin
houpt.

Kindskind erben

mit den kinden.

So ouch vatter oder mütter/ kind vnd kindskinder nach tod verlasse
so werden die kindskind an irer eltern statt/ mit den kinden zügelassen/ vñ
erben die kind ir yedes nach sinem houpt/ aber die kindskind nemen alle
nit me/ dan ir vatter oder mütter/ ob sy gelebt/ genömen hetten/ deshalbz